

lore tuo nos parcis, parce peccatis meis.

Amantissime Jesu, qui tam inhumaniter in Cruce extendi & crucifigi voluisti; præsta, ut clavis timoris tui cruci tue perpetuò affixus maneam.

Jesu vita morientium, qui cum jam mortuus esses pro nobis, latus tuum lancea aperiri voluisti, ut accedentibus ad te facilis pareret aditus ad cor; admitte me in latus tuum, ut in eo sic requies mea in sæculum sæculi.

Gratias tibi ago, Salvator mundi, quia opus Redemptionis nostræ perfectissimè peregisti; perfice & in me opus quod incœpisti, ut plena in me & consummata justitia reperiat.

O Triumphator gloriosissime, fac me participem passionis tuæ, ut sim etiam resurrectionis: tecum moriar, ut tecum resurgam, & tecum tandem ascendam in cælum.

Rex sempiternæ, qui sedes ad dexteram Patris, trahere me post te; ut

ut illic semper fixum sit cor meum, ubi tu es thesaurus meus, & gloria mea, Deus cordis mei, & pars mea Deus in æternum.

CAPUT VI.

Aspirationes Viatoris pro felici morte ad Christum.

NON intres in judicium cum seruo tuo Domine Jesu, quia non justificabitur in conspectu tuo omnis vivens.

Ne memineris, bone Jesu, iniquitatum mearum: citò anticipent me misericordiæ tuæ, quia pauper factus sum nimis.

Ne tradas, Domine Jesu, bestiis animam confitentem tibi: & animam pauperis tui ne obliviscaris in finem.

Illumina, mansuetissime Jesu, oculos meos, ne unquam obdormiam in morte, ne quando dicar inimicus meus, prævalui adversus eum.

Tuus

Tuus sum ego, salvum me fac Domine, & ne perdas cum impiis, Deus, animam meam.

Salvum fac servum tuum, Domine Deus, sperantem in te.

O Jesu, esto mihi Jesus, & salva me. Jube me venire ad te, ut cum Sanctis tuis laudem te, & in æternum fruam te.

O mi dulcis Jesu, quando corpus meum morietur, fac ut animæ doneatur paradisi gloria.

In te Domine Jesu, speravi; non confundar in æternum.

Affectus ad Jesum agonizantem.

Jesu agonizans, & in cruce moriens pro me, immitte, queso, Spiritum tuum in cor meum, illoque animam meam vivifica; quoniam tuo solo spiritu vivere volo, tam in hujus presentis vitæ meæ tempore, quam in mortis meæ articulo.

Jesu in Cruce agonizans, & moriens pro me, per hunc agonem tuum,

tuum, & per spiritum, quem in manus Patris æterni commendasti, obtestor te, ut instans mortis tuæ influat in mortis meæ instans, illudque in conspectu SS. Trinitatis gratum, atque preciosum reddat.

Jesu agonizans, & moriens in Cruce pro me, ibidemque orans pro crucifixoribus tuis Patrem, obsecro, ut ores quoque eundem pro me crucifixore tuo, impetresque mihi mortem sanctam, & charitate perfectâ consummatam.

Jesu agonizans, & moriens in Cruce pro me, stillantem amore mei sanguinem tuum colligo, & lambō devotus; optans simul ac petens à te, ut in hora mortis meæ adesse mihi presens cum gloriosa Matre tua, Sanctisque tuis digneris, adnumeretque me electis tuis, & in agonis meæ momento secundum magnam misericordiam, copiosamque redemptionem tuam misereris mihi.

*Quidam Religiosus, ut refert
Cæsarius, impetravit sibi
gratiam ex hac vita mi-
grandi sine purgatorio ad
Cælum hac oratione.*

Domine Jesu Christe, propter il-
lam amaritudinem mortis, quam
pro me miserimo peccatore sustinuis-
ti in Cruce, maxime in illa hora, quan-
do nobilissima anima tua egressa est
de corpore tuo sanctissimo, deprecor
te, miserere animæ meæ in egressu
suo, & perduc eam in vitam æternam.
Amen.

Ad Beatissimam Virginem.

Mater Dei, memento mei nunc &
in hora mortis.
Adsis mihi Domina, in omnibus
actionibus meis, nec me deseras in
hora mortis.

○ Sanctissima Virgo, per pre-
tio-

tiosissimam mortem tuam, & illos
actus amoris Dei, quos tunc elicuis-
ti; per omnem misericordiam, qua
ulli succurristi, memento mei nunc
& tunc. Gere curam mei finis, ut tua
defensione munitus ingrediar beatam
æternitatem. Experiar te Matrem pul-
chra dilectionis, & timoris, & agni-
tionis, & sanctæ spei.

Per te accepi gratias, pia Ma-
ter, per tuas etiam manus commen-
do & off-ro spiritum meum Deo meo;
ut illum videam & amem in æter-
num.

O Jesu, rogo te per Mariam:
O Maria, rogo te per Jesum: ò
Jesu & Maria, rogo vos per SS. Tri-
nitatem: ò SS. Trinitas, rogo te
per amorem quo te amas, miserere
mei; ut felix moriar ad majorem
tuam gloriam & amorem, ut vos
amem in æternum.

*Ad SS. Angelos, & omnes
Sanctos.*

Succurrite, subvenite, ò vos omnes beatissimi Spiritus, Sancti Angeli Dei, & cum in extremis vestram opem non amplius implorare poterò, ne me deserite.

Sancte Angele custos defende me in hoc prælio, ut non periam in tremendo iudicio.

Sancti Dei omnes, intercedere dignemini pro animæ meæ salute.

Moriatur anima mea morte Justorum, sed vivat priùs vitâ Justorum.
Amen.

HOMAGIA

In vita & morte Deo præstanda.

Reddite quæ sunt Dei Deo.
Matth. 22.

Agnoseo te, ò mi Deus, ut supremum Dominum meum, primum principium, & ultimum finem meum, authorem naturæ, gratiæ, & gloriæ: & profundissima cum humilitate te adoro Dominum vitæ & mortis, tibi que sponte sacrificio vitam meam.

Credo te, mi Deus, unum in essentia & Trinum in personis, Patrem, Filium, & Spiritum sanctum. Credo, teneo, ac profiteor fidem illam, quam Christus docuit, quam prædicaverunt Apostoli, quam Sancta Romana Dei Ecclesia docet ac profitetur, & sin-

gulos catholicæ Fidei articulos paratus sum sanguine meo subsignare, & morte meâ confirmare.

Spero, misericors Domine, per sanguinem & merita Jesu Christi, ab infinita bonitate tua, ac clementia remissionem peccatorum, quibus te summum bonum meum gravissimè offendi. Spero firmissimè me à paterna liberalitate tua obtenturum gratiam copiosam, & gloriam sempiternam.

Amo te, amabilissime Deus, ex toto corde meo, super omnia, propter infinitam bonitatem tuam. Vellem, si possem, amare te illo amore, quo te amant omnes Sancti. Fac ut in æternum amen te in regno amoris & beatitudinis.

Gratulor tibi de te. Gaudeo de infinita gloria tua. Gaudeo de divinitatis tuæ thesauris infinitis. Utinam cum electis & Sanctis tuis possem amare ac laudare te, gaudere de te, & gratulari tibi.

Doleo, doleo, doleo, quòd unquam ullo modo te maximum, dul-

cis-

cissimum, optimum Deum meum offenderim. Doleo, non propter infernum, vel purgatorium, quæ tamen credo & timeo. Doleo, non propter celestem gloriam, quam tamen credo & spero; sed doleo propter te, optime super omnia, pulcherrime super pulchra omnia, dignissime super omnia Deus.

Detestor omnes cogitationes præsumptuosas, quas spiritus malignus in mortis meæ articulo posset inspirare, humiliterque confiteor, me non posse habere ex me ipso nisi nihilum, nisi peccatum, nisi damnationem æternam. Ac proinde, Domine Deus, te solum & unicum authorem salutis & felicitatis meæ agnosco.

Pro omnibus & singulis beneficiis tuis mihi quomodocumque in tota vita mea, & ante vitam præstitis, & post vitam præstandis, gratias ago tibi, mi Deus, quantas possum, & quantas omnes Sancti obtulerant & offerent. Deinde ago, tibi gratias pro omnibus proximorum,

rum, atque adeò creaturarum omnium bonis.

Nolo quicquid non vis, ò Deus meus; volo quicquid vis. Doleo quòd fuerit tempus, in quo nolui quæ volebas, & volui quæ volebas.

Spiritum meum non alibi, quàm in suavissima tua voluntate, Jesu Christi latere, pretiosissimæ Parentis meæ manibus, Ecclesiæ Romanæ Catholicæ fide emittere, atque deponere exeuntem ex hoc corpore volo, atque cupio.

Non merui quidem te, mi Deus, videre beatificè, nec merebor in æternum: cupio tamen æstuantissimis desideriiis videre te, quia tu me ad hunc finem condidisti, sanguine Filii tui redemisti, gratiam largiris, & merendi per Christi sanguinem facultatem.

Desiderium bonæ Mortis.

Cupio dissolvi, & esse cum Christo. Rom. 7. 24.

O Pro mori: quia mortalis sum natura mea, & Dei Creatoris mei sic factus sum voluntate; fiat ergo voluntas ejus.

Opto mori: in testimonium & protestationem, tum supremæ potestatis, dominique in me divini, tum totalis meæ rerumque omnium à Deo dependentiæ.

Opto mori: ut primi originalis peccati poenam, etiam mihi justo judicio Dei inflatam, exolvam morte, tandemque illud finaliter expiem.

Opto mori: ut sim extra periculum omne peccandi, vel in minimo contra dignitatem, majestatem, sanctitatem, bonitatem Dei mei.

Opto mori: ut sequar exemplum
L 5 pl. u.

plum pretiosissimæ Dei Matris Mariæ Domine meæ : quæ carens aliqui moriendi debito, mori tamen voluit & ipsa, ut sua morte mortem Filii honoraret.

Opto mori : ut in articulo mortis meæ omnes Dei mei voluntates circa me absolutissimè impleantur.

Opto mori : ut citiùs finem ultimum ad quem creatus sum assequar.

Opto mori : ex desiderio quamprimum accedendi ad Sanctos, eosque videndi cum pretiosissima Dei Matre : Verbi quoque incarnati sacratissimam humanitatem : præ omnibus autem Trini & Unius Dei essentiam ; ut mediante morte meâ, tandem Deo æternaliter ac beatificè conjungat in gloria consummata.

Opto mori : ne amplius exosâ vitæ meâ alios scandalizem.

Opto mori : ut in Ecclesia sepultus, nunquam ampliùs avellar & recedam à præsentia augustissimi Sacramenti.

Op-

Opto mori : ut finaliter de thesauro Ecclesiæ, Sanctorumque communionem participem.

Aspirationes Morientis.

Pater, in manus tuas commendo spiritum meum *Psal.* 39.

Cupio dissolvi, & esse cum Christo. Infelix ego ! quis me liberabit de corpore mortis hujus ? *Rom.* 7. 24.

Educ de custodia animam meam, Domine, ad confitendam nomini tuo : me expectant justi, donec retribuas mihi. *Psal.* 141.

Lætatus sum in his quæ dicta sunt mihi, in domum Domini ibimus. *Psal.* 121.

Paratum cor meum, Deus, paratum cor meum tibi, & ad te. *Psal.* 56.

Ecce sponsus venit, exeamus obviam ei. *Mat.* 25.

Quemadmodum desiderat cervus ad fontes aquarum, ita desiderat anima meâ ad te, ò Deus. *Psal.* 41.

Si-

Sitivi anima mea ad Deum fontem vivum, quando veniam, & apparebo ante faciem Domini!
Psal. 41.

Misericordias Domini in æternum cantabo. *Psal. 88.*

Adjuro vos filie Jerusalem, ut nuntietis dilecto meo, quia amore languo. *Cant.*

Tedet animam meam vitæ meæ, quia non video Deum Deorum in Syon.

O quando vacabimus & videbimus, videbimus & amabimus, amabimus & laudabimus! ò quando erit finis sine fine! *S. August.*

O fons vitæ perennis, quando sitim meam extingues in me! ò beata æternitas, & æterna beatitudo quando peregrinabo in te!

Jesu & Maria dulcissimi mei amores, patiar ego, moriar ego amore vestri: totus sim vester in æternum.

Æterna Sapientia dulcissime Jesu, absorbeat, quæso, medullas & viscera animæ meæ ignita & mel-

li-

liffua vis amoris tui, ut amore amoris tui moriar, qui dignatus es pro me indigno in ligno Crucis mori. *S. August.*

Jesu nostra redemptio, amor & desiderium, Deus creator omnium, Homo in fine temporum. Quæ te vicit clementia, ut ferres nostra crimina?
Hymn. Eccl.

Desidero te millies, mi Jesu, quando venies? me lætum quando facies? me de te quando sacies. *S. Bernardus.*

Mori desidero, ut videam Christum; vivere renuo, ut vivam cum Christo. *S. Aug.*

Eja Domine, moriar, ut te videam; videam ut hic moriar. *Ibidem.*

Veni Domine, & noli tardare: veni Domine Jesu, & visita me in pace. Veni & educ vincum de carcere, &c.

Sus-

*Suspiria coram Christi crucifixi
effigie.*

Agnosce, ò Domine, creaturam tuam non à diis alienis creatam, sed à te solo Deo vivo & vero. Ne me perdat, Domine, iniquitas mea, quem fecit omnipotens bonitas tua.

Respice, Domine sancte Pater, de excelso cœlorum habitaculo. Ecce vox sanguinis fratris nostri pro nobis clamat ad te de Cruce. Audi Pater vocem sanguinis Filii tui.

Respice, pie Pater, innocentes manus Filii tui, quæ distillant pretiosum sanguinem, ut dimittas iniquitatem meam. Intuere illud lanceâ perfossum pectus, & amore mei apertum cor, meque ex sacro illo fonte renova. Defige oculos, ò Pater cœlestis, in faciem hanc dilecti Filii tui, & in membra conquassata Christi tui, & per miseras, quas ille amore mei sustinuit, misere-re mei.

Eja

Eja dulcissime Redemptor Domine Jesu, per illas lacrymabiles voces, quas in Cruce moriturus edidisti: Deus Deus meus, quare me dereliquisti? ne quæso, derelinquas me in hora mortis meæ.

En suavissime Jesu in manibus, in pedibus, & in toto corpore descripsisti me. Cernitur in toto corpore sculptus amor: lege scripturam tuam hanc, & salva me.

Respice in me oculis misericordiæ tuæ, Domine Jesu, Rex æternæ, Deus & homo crucifixus propter hominem. Exaudi me sperantem in te: misere mei pleni miseriis & peccatis, tu qui fontem miserationis nunquam manare cessabis.

Recordare, Domine, creaturæ tuæ, quam tuo sanguine redemisti. Illa ovis amissa ad Pastorem meum redeo. Vocem tuam novi, non alienorum. Potestne vocem spernere balantis oviculæ tuæ, & fugientis ad te?

Scio equidem me conspectum tuum

tuum non mereri; quia dum vitam meam considero, confusio est mihi potius appellanda, quam vita. Sed in spiritu humilitatis, & in animo contrito suscipe me, o bone Jesu, salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi properanti januam vitæ, & principes tenebrarum non occurrant mihi. Tua me manus inducat in locum refrigerii, & vel in ultimam mansionem ex iis, quas parasti servis tuis timentibus te.

Orationes pro omnibus Christi fidelibus ubicumque agonizantibus.

O Jesu Crucifixe, per merita SS. Genitricis tuæ, per merita & intercessionem SS. Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemque dilectæ Sponsæ tuæ

tuæ Ecclesiæ, te supplices exoramus, ut miserearis omnium illorum, qui in hora mortis constituti turbantur, & propter vehementiam hostilis impetus vacillant.

Ÿ. Ne tradas Domine bestiis animas confitentes tibi.

R. Et animas pauperum tuorum ne obliviscaris in finem.

Oremus.

Clementissime Jesu, invocamus clementiam tuam, per charitatem illam infinitam, quæ te ad moriendum pro genere humano impulit, ut miserearis omnium agonizantium, & iis condones excessus commissos cogitatione, verbo, & opere; & ut suppleas quod in eis desideratur, applica illis infinita merita tuæ passionis, & pretium sanguinis tui, quem pro nobis effudisti.

Assistat illis S. Michael Archangelus, & per manus SS. Angelorum deportentur ad paradysum tuorum

rum Electorum : ut liberati de prin-
cipe tenebrarum, & abyſſo poena-
rum, in conſortium veniant Sanc-
torum tuorum reſuscitati cum glo-
ria, ut filii & hæredes regni tui.
Amen.

CONCLUDO

Melliſtui Doctõris S. Bernar-
di verbiſ.

Dignus eſt morte, qui tibi Domine
Jeſu recuſat vivere (adeoque te
laudare, te glorificare) & mortuus
eſt. Propter temetipſum Deus feciſti
omnia, & qui vult eſſe ſibi, & non ti-
bi nihil eſſe incipit inter omnia.

A. M. D. G.

F I N I S.

EX SANCTO ANSELMO
Archiepiſcõpo Can-
tuarienſe.

AD S. P. BENEDICTUM.

LACRYMÆ POENITENTIS
Monachi.

SAncte & beate Benedicte, quem
tam opulenta benedictione vir-
tutum ſuperna gratia ditavit, ut
non ſolum te ad deſideratam glo-
riam, ad beatam requiem, ad cœ-
leſtem ſedem ſublimeret, ſed &
alios innumerabiles ad eandem bea-
titudinem tua admirabilis vita attra-
heret, dulcis admonitio incitaret,
ſuavis doctrina inſtrueret, miracu-
la provocarent? ad te inquam, Be-
nedicte Dei, quem benedictione
tam larga benedixit Deus, ad te,
confugiens anguſtiosa anima mea,
tibi ſe proſternit, quàm humili men-
te poſteſt; tibi fundit preces, quan-

to affectu potest, tuum auxilium implorat, quanto desiderio potest.

Nimis enim est immanis, & intolerabilis ejus necessitas: vitam namque sanctæ conversationis, quam promisi, nomine & habitu Monachi profiteor; sed ab hac vita longè exulando, mentiri Deo, & Angelis, & hominibus ipsâ meâ conscientia convincor. Adesto, pie Pater adesto supplicanti. Rogo, ne abhorreas tam mendosum, & tam mendacem; sed attende contentem, & plusquam merear miserare dolentem.

Utique, ð præclare Dux inter magnos Duces exercituum Christi, tuo me addixi ducatu, quamvis imbecillem militem. Tuo me subdidi magisterio, licet ignavam discipulum. Secundum tuam Regulam devoti me vivere, quamquam carnalem monachum. Perversum namque cor meum ad perpetrata peccata ploranda lapideum est, & aridum; ad resistendum verò instantibus est molle, & lutcum.

De-

Depravata mens mea ad inutilia, & noxia perpetranda, velox est, & infatigabilis; ad vel cogitanda salubria, fastidiosa & immobilis. Obocæcata & distorta anima mea ad præcipiendum & voluntandum se in vitiis facilis est, & prompta, ad saltem reminiscendum virtutes, difficilis, & pigra.

Longum est nimis, Charissime Pater, commemorare singula. Nimis, inquam, longum est enumerare gastrimargiam, somolentiam, levitatem, impatientiam, cenodoxiam, detractionem, inobedientiam, & cœtera vitia, quous facta est infelix anima mea quotidianum ludibrium, quæ modò sibi vicissim trahunt, & distrahunt ad illudendum hunc ærumnosum, & quasi pannosum homunculum; modò eidem cum turba insultant conculcando, & conculcant insultando.

Ecce, Beate Benedicte, quam strenue pugnat hic miles Christi sub tuo ducatu: ecce quam efficaciter proficit hic tuus discipulus in tua scho-

la:

la : ecce bonum Monachum ; qui sic mortificatis vitiis , & voluptatibus carnis , sic fervet , & vivit solis virtutibus ; imò cui sic turba dominatur vitiorum , premit moles peccatorum. Proh pudor!

O impudens Monache ! qua fronte audes dici miles Christi , discipulus Sancti Benedicti ? False professor , qua impudentia potes pati videri in te tonsuram , & vestem professionis , cujus non habes vitam ? Heu dolor ! O angustia , quæ mihi sunt undique ! Si enim summum Regem meum , & bonum Magistrum meum , & professionem factam nego , mors mihi est : si autem eorum militem , & discipulum & Monachum me profiteor ; cum vita me arguat mendacii , iudicium mihi est.

Anxiare in me spiritus meus , turbare in me cor meum. Erumpe & clama anima mea : Jesu , bone Domine , vide humilitatem meam , & laborem meum , & dimitte universa delicta mea. Adjutor meus esto , Domine , ne derelinquas me , neque

que despicias me ; sed doce & adjuva me facere voluntatem tuam , ut vita mea testetur , quod cor , & os libenter contentur.

Intende voci orationis meæ , Rex meus , & Deus meus , per merita , & intercessionem pii Benedicti dilecti tui , ducis mei , & magistri mei. O tu mi bone Dux , ò suavis Magister , ò dulcis Pater Benedicte , oro , & obsecro per misericordiam , quam erga alios habuisti , & per illam , quam erga te Deus habuit , compatere miseræ meæ : qui congratulor felicitati tuæ.

Succurre te patronum clamanti , exonerata mole peccatorum obrutum , solve delictorum funibus ligatum , expedi criminibus irretitum , erige jacentem , sustine nutantem , instrue spiritualibus armis , id est virtutibus inermem ; doce & protege pugnantem , expugna impugnantes ; erige mihi victoriam , & perduc me ad coronam.

Age , advocate Monachorum , per charitatem , qua sollicitus fuisti quomo-

modo vivere debemus ; esto sollicitus , ut sufficienter velimus , & efficaciter possimus vivere , quemadmodum debemus ; ut & tu de nostro discipulatu , & nos de tuo magisterio gloriemur coram Deo , qui vivit , & regnat per omnia sæcula sæculorum.

Amen.

LIBRARIUS
 L. MARI
 S
 MARIORUM



